

Na osnovu člana 16. stav 4. Zakona o Vladi Zeničko-dobojskog kantona –PrečišćenI tekst (“Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršenju Budžeta Zeničko-dobojskog kantona za 2017. godinu (“Službene novine Zeničko-dobojskog kantona”, broj: 15/16), Vlada Zeničko-dobojskog kantona, na 91. sjednici, održanoj 23.03.2017. godine, d o n o s i

ZAKLJUČAK

o usvajanju Programa utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “ Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2017. godinu

I.

Usvaja se Program utroška sredstava na razdjelu 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija “ Kapitalni transferi drugim nivoima vlasti-za zdravstvo” Budžeta Zeničko-dobojskog kantona za 2017 godinu (“Službene novine Zeničko-dobojskog kantona”, broj: 15/16) u iznosu od 1.385.000,00 KM (slovima: jedanmilliontristotineosamdesetpethiljada konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva
1x Ministarstvo finansija
1x a/a

PROGRAM
UTROŠKA BUDŽETSKIH SREDSTAVA NA RAZDJELU 21
MINISTARSTVO ZDRAVSTVA, BUDŽETSKA ORGANIZACIJA 01,
POTROŠAČKA JEDINICA 0001, EKONOMSKI KOD 615100- POZICIJA
“KAPITALNI TRANSFERI DRUGIM NIVOIMA VLASTI- ZA ZDRAVSTVO”
BUDŽETA ZENIČKO-DOBOJSKOG KANTONA ZA 2017. GODINU

Zenica, mart 2017. godine

U skladu sa odredbama člana 45. i 54. Zakona o izvršavanju Budžeta Zeničko-dobojskog kantona za 2017. godinu, («Službene novine Zeničko-dobojskog kantona», broj: 15/16), Ministarstvo zdravstva predlaže Vladi Kantona Program utroška sredstava na razdjelu 21, budžetskoj organizaciji 01, potrošačkoj jedinici 0001-Ministarstvo zdravstva, ekonomski kod 615100, Pozicija- **«Kapitalni transferi drugim nivoima vlasti-za zdravstvo»**.

Svrha Programa: Ovim programom utvrđuje se utrošak sredstava za kapitalne transfere u oblasti zdravstva.

Visina sredstava: 1.385.000,00 KM

Izvori sredstava: Budžet Zeničko-dobojskog kantona za 2017. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 615100, pozicija “Kapitalni transferi drugim nivoima vlasti-za zdravstvo”.

U skladu sa članom 13. Zakona o zdravstvenoj zaštiti (“Službene novine Federacije Bosne i Hercegovine”, broj: 46/10), Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra.

Potrošnja planiranih sredstava podijeljena je u dvije cjeline:

- I. Ulaganja u JU Kantonalna bolnica Zenica 1.185.000,00 KM**
- II. Nabavka opreme za potrebe domova zdravlja 200.000,00 KM**

I. Ulaganja u JU Kantonalna bolnica Zenica

JU Kantonalna bolnica Zenica je zdravstvena ustanova čije je osnivač Zeničko-dobojski kanton. Vlada je, u skladu sa mogućnostima Kntona, i u prethodnim godinama izdvajala sredstva za nabavku nove opreme, popravku postojeće opreme i građevinsko-zanatske radove u cilju poboljšanja uslova rada i stanja u JU Kantonalna bolnica Zenica i ista tendencija se nastavlja i u ovoj godini.

Najveći dio planiranih sredstava za kapitalne transfere u oblasti zdravstva u 2017. godini se odnosi na ulaganja u JU Kantonalna bolnica Zenica (1.185.000,00 KM ili 85,6% ukupno planiranih sredstava).

Ministarstvo zdravstva je, u saradnji sa menadžmentom JU Kantonalna bolnica Zenica, utvrdilo plan prioriternih nabavki u ovu zdravstvenu ustanovu i isti je dat u slijedećem pregledu:

Red. br.	Vrsta ulaganja	Iznos u KM
1.	Hirurški instrumenti	300.000,00
2.	Oprema za sterilizaciju -autoklav	200.000,00
3.	C-luk za potrebe Službe za ortopediju i traumatologiju	180.000,00
4.	Aparat za urodinamičke studije	60.000,00
5.	Laser aparat za potrebe Službe za očne bolesti	60.000,00
6.	Kolonoskop	42.000,00
7.	Mikroskopi za potrebe Službe za patologiju	40.000,00
8.	EKG aparati	25.000,00
9.	Građevinsko održavanje	278.000,00
	U K U P N O	1.185.000,00

Kriterij za dodjelu sredstava: Odobrenje za potrošnju sredstava za svaku pojedinačnu nabavku donosit će Vlada Zeničko-dobojskog kantona, na prijedlog Ministarstva zdravstva i zahtjeva JU Kantonalna bolnica Zenica. Kompletnu proceduru nabavke u skladu sa Zkonom o javnim nabavkama ("Službene glasnik Bosne i Hercegovine", broj: 39/14) obavlja JU Kantonalna bolnica Zenica.

Ministarstvo zdravstva će, na osnovu zaključenog ugovora dobavljača i JU Kantonalna bolnica Zenica i ispostavljenih faktura Kantonalnoj bolnici, dostaviti Ministarstvu finansija obrasce 2 "Unos grupe faktura". Po izvršenom transferisanju sredstava Kantonalnoj bolnici, ista je obavezna Ministarstvu zdravstva dostaviti dokaze o uplati sredstava dobavljaču prema zaključenim ugovorima.

Po okončanju procedura nabavki, eventualne ušede u odnosu na odobrena sredstva, JU Kantonalna bolnica će moći koristiti za nove nabavke, za što će se donijeti izmjena i dopuna Programa potrošnje.

II. Nabavka opreme za potrebe domova zdravlja

Budžetom Zeničko-dobojskog kantona za 2017. godinu planirana su sredstva za nabavku opreme u ostalim zdravstvenim ustanovama (domovima zdravlja), čiji su osnivači općine u iznosu od 200.000,00 KM, što predstavlja 14,4% ukupno planiranih sredstava.

Navedene nabavke će se odnositi na prioritetne nabavke, čiji zahtjevi budu kandidovani od domova zdravlja, a za koje Ministarstvo zdravstva i Vlada ocijene da su prioritetni.

Kriterij za dodjelu sredstava: Odobrenje za potrošnju sredstava donosit će Vlada Zeničko-dobojskog kantona, na prijedlog Ministarstva zdravstva, a na osnovu zahtjeva zdravstvenih ustanova, a u skladu sa procentom ostvarenja prihoda u Budžetu Zeničko-dobojskog kantona.

Broj: 02-_____ /17.
Datum, 23.03.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva
1x Ministarstvo finansija
1x a/a.